

rite) de ce chapeau royal, Parthique ou Armenian, & peculier à quelques Rois de l'Orient. Quant à l'arc, on sçait assez que les Parthes en ont vſé fort dextrement, meſmes en ſe retirant & tournant le dos à l'ennemi: comme encore auourd'hui font quelques barbares & Maures à cheual: & les Canibales, en nageant. Ces Canibales furent dits *Anthropophagi*, c'est à dire, mangeurs de chairs humaines: & habitoyent en la region Amerique, quatrieme partie du monde, occupee auourd'hui en partie par les Portugais, & pour la plus part par les Espagnols. Et non ſeulement les Parthes, mais auſſi les Perſes, Medes, & autres Oriëtaux, voire meſmes les Scythes Septentrionaux, ont eu l'arc pour leurs principales armes offenſiues. Et à ce propos me ſouuient de ce beau narré que fait Herodote de Cambyſes Roy de Perſe, ayant volonte de faire la guerre aux Scythes. Le conte eſt tel. Cambyſes, premier que de faire la guerre aux Scythes, voulut vſer de conſeil, & pource enuoya vers eux ambaffades pour eſpier le païs, en leur portant certains preſens. Les preſens furent vn arc avec fleches, du vin Perſan, du pain, & quelque ioyau, comme ſeroit vne chaine d'or. Les ambaffades arriuez & conduits deuant le Roy, expoſerent leur legation, & preſenterent les dons enuoyez par Cambyſes leur maïſtre. En premier lieu, le Roy commanda que l'arc fuſt rendu, mais celuy qui le tendoit le rompit facilement: puis, apres auoir gouſté le pain, demanda aux ambaffadeurs quelle maniere d'aliment c'eſtoit: à quoy ils reſpondirent que c'eſtoit celuy dont ils eſtoyent tous nourris, & qu'il eſtoit produit de la terre. Sur quoy de rechef les interrogea combien ils viuoyent: Leur reſponſe fut, qu'aucuns d'entre eux viuoyēt iuſques à quatre vingts ans, & nuls, ou bien peu, iuſques à cent. A quoy repliquant, Ce n'eſt pas, dit-il, merueille ſi les Perſes ne viuent gueres, vſans de tel nourriſſement. En apres, ayant gouſté du vin, le loua grandement, comme celuy qui temperoit les autres alimens. A la parfin regardant le ioyau d'or enuoyé par preſent, Ceci, dit-il, ſemble me menacer d'emprisonnement & de captiuité. Et alors fit conduire ces meſſieurs en ſes priſons, où toutes les chaines & carquans des priſonniers eſtoyent d'or, pource que les Scythes n'ont point de fer, & ne forgent rien qui ne ſoit d'or. Et quant eſt du pain qu'il auoit gouſté, il les mena voir la table du Soleil, toujours chargee de chairs cuittes & de laiët, où tous venans eſtoyent nourris & ſuſtentez. Or eſtoit appellee la table du Soleil, cōme qui diroit la table de Dieu, à raiſon que les Scythes n'ont autre Dieu que le Soleil: & diſent que les viures de ceſte table qui ſont con-

Table du Soleil.